



# Gen.Y

EDITOR : NORLAILA HAMIMA JAMALUDDIN

TEL : 1-300-22-6787 SAMB: 8269

FAKS : 03-20567083/7084

## GUBAHAN LAGU ANAK MALAYSIA

Muhammad Syafiq tidak hanya lahir pada Hari Malaysia tapi cenderung cipta lagu patriotik



Redzuan Muharam  
gen.y@hmetro.com.my

**Genre** muzik moden mungkin diminati kebanyakan anak muda masa kini namun berbeza dengan Muhammad Syafiq Farhan Boo Omar Boo yang lebih cenderung pada lagu patriotik.

Pemuda berasal dari Sungai Petani, Kedah ini berkata, sejak kecil dia menggemari lagu patriotik dan minat itu mendorongnya mencipta karya sulung ketika menuntut di universiti.

Menurut Muhammad Syafiq, lagu berjudul Sejuta Cinta itu asalnya dicipta untuk tugas bagi subjek kenegaraan tetapi rezeki berpihak kepadanya apabila muncul johan keseluruhan bagi Projek Video Malaysia (PROVIM) 2016 anjuran Media Prima.

"Saya dilahirkan pada 16 September yang juga Hari Malaysia dan mungkin sebab itu, semangat patriotik dalam diri amat menebal.

"Bagi saya, lagu patriotik mempunyai keistimewaan tersendiri jadi bagi mencabar kebolehan diri, saya cuba mencipta karya sendiri dengan khidmat nasihat dan bantuan gubahan muzik oleh komposer profesional yang juga felo Kolej Canselor Universiti Putra Malaysia (UPM) Khairul Daniel atau lebih dikenali sebagai KD.

"Alhamdulillah, perubahan sulung saya itu berhasil apabila mendapat 66,000 tontonan sejak dimuat naik di YouTube pada 2016," katanya.

Menurut Muhammad Syafiq, karya sulung ciptaannya itu memberinya semangat membuka produksi sendiri pada tahun berikutnya tetapi dengan bajet



MUHAMMAD Syafiq bersama rakannya.

### PROFIL

**NAMA:** Muhammad Syafiq Farhan Boo Omar Boo

**TARIKH LAHIR:** 16 September 1993

**ASAL:** Sungai Petani, Kedah Darul Aman  
**PENDIDIKAN AWAL:** SJK (C) Sin Min A, SMJK Sin Min, Asasi TESL UiTM, Lendu

**PENDIDIKAN TINGGI:** B.Ed TESL (2016) dan kini penuntut sepenuh masa Sarjana Pendidikan Sains Sukan di UPM

**HOBI:** Berenang, menyanyi dan mencipta lagu

**PEKERJAAN SAMBILAN:** Fasilitator Kokurikulum Renang Asas UPM, Tutor Bahasa Inggeris dan Mandarin

yang terhad.

Menerusi produksi berkenaan, dia menghasilkan pula lagu patriotik kedua yang berjudul Generasi Negaraku.

"Generasi Negaraku saya dedikasikan khas untuk golongan muda dengan mesej supaya tidak gentar dan takut mengejar impian serta menyemai semangat patriotisme dalam kalangan mereka.

"Lagu itu lebih versatil, moden dan istimewa kerana dihasilkan dalam empat versi iaitu bahasa Melayu, Mandarin, Tamil dan Iban.



MUHAMMAD Syafiq mahu menghasilkan lebih banyak lagu patriotik. tamat



MUHAMMAD Syafiq gemar menyanyi dan mencipta lagu patriotik.

"Bagi melakukan terjemahan, saya dapatkan bantuan rakan yang juga dengan penuntut serta alumni dari UPM, Universiti Sains Malaysia (USM), Universiti Malaya (UM) dan Universiti Teknologi MARA (UiTM).

"Hasilnya, lagu mendapat tontonan umum 50,000 di Facebook," katanya yang kini menyambung pengajian dalam Sarjana Pendidikan Sains Sukan di UPM.

Muhammad Syafiq berkata, dia akan terus dengan usahanya menghasilkan lagu patriotik yang lebih berkualiti dan boleh diterima rakyat Malaysia sebagai

kesinambungan karya generasi terdahulu.

Katanya, dia turut berharap supaya diberi peluang berduet dengan idolanya iaitu Faizal Tahir menerusi nyanyian lagu patriotik pada masa akan datang.

"Sebagai anak Malaysia, saya rasa bertanggungjawab memberi sumbangan buat negara dan cara saya adalah menghasilkan lagu patriotik.

"Diharap ia menjadi ikutan generasi muda lain yang tentunya mempunyai banyak idea yang lebih kreatif untuk disumbangkan.

"Jika tidak dengan mencipta lagu, banyak lagi cara untuk menunjukkan rasa cinta dan sayang terhadap negara," katanya.



SEDUTAN klip video lagu Generasi Negaraku ciptaan Muhammad Syafiq.